

張文獻公集卷之九

狀并御批

賀御製開元文字音義狀



右今月日尹鳳祥宣勅旨示臣等聖製開元文字音義三十卷義微旨遠文省理該表隸以訓今存篆以徵古衆釋大備取證於前修片言旁通去嫌於翻字信文思之精一學術之明準非聖心之善誘焉降情於豪索臣等忝居近侍再抃發蒙捧戴之誠實百恆品望令集賢院更寫一本付外流行謹奉狀陳賀以聞謹進

御批

象物成文以行代教傳習寢遠疑誤增多不制其失孰云端本稍變條流因之指授且以相示竟無可書豈用茲小學而歸美乎餘依所請

賀論三教狀并御批

右伏奉今日墨制召諸學士及道僧講論三教同異臣聞好尚之論事蹟於萬方至極之宗理歸於一貫非夫上聖孰探要旨伏惟陛下道契無爲恩該宏妙考六經之同異筌三教之幽顯將以降照群疑甄化率土屏浮詞於玉殿緝精義於金門一變儒風再揚

道要凡百庶事罔不知歸臣等幸侍軒墀親承至訓朴耀之極實倍常情望宣付史館謹奉狀陳賀以聞謹奏

御批

頃因節日會以萬方略舉三教未暇盡理復茲一集求之精義不許游詞用伏其心以懲習俗况會三歸一初分漸頓理皆共貫使自求之鄉等論道廟堂化原何遠事關風教任付史官

賀御注金剛經狀并御批

右內侍尹鳳祥宣勅垂示臣等御注金剛經但佛法

宗旨撮在此經人間習傳多所未悟陛下曲垂聖意
敷演微言幽關妙鍵豁然洞達雖臣愚昧本自難曉
伏覽睿旨亦即發明是知日月既出天下普照誠在
此也陛下至德法天平分儒術道已廣其宗僧又不
違其願三教並列萬姓知歸臣等忝奉天文不勝荷
戴無任慶躍之至

御批

不壞之法真常之性實在此經衆爲難說且用稽合
同異踈決源流朕位在國王遠有傳法竟依群請以
道元元與夫孝經道經三教無關豈玄秘藏能有探

詳所賀知

賀皇太子製碑狀并御批

右尹鳳祥宣聖旨示臣等皇太子所製玉尊師碑文
并壽王書臣等伏以天安自高更深聖訓文藝英拔
理絕人境臣等周章省覽欣於載懷恭皇太子文義
高深壽王毫翰灑落朝臣不見竊懼敵善臣等專輒
宣留碑本望明日將示百官了訖續進不勝抃躍之
至

御批

兒子等服勤師訓匪曰才能初爲此文次令繕寫邛

在左右因以呈示曾不箴規乃致推美將簡朝列得無愧乎

賀上仙公主靈應狀并御批

在臣等伏承今月八日上仙公主靈座有祥風瑞虹之應爰至啓殯乃知尸解又承特稟清虛薄於滋味素含真氣自不食鹽洎于遷神更標竒跡伏惟聖系本於道源妙有所種靈異必降不然者何得幼而能悟性與非常遠來以時且契於玄運超然而蛻復昇於丹籙杳冥雖遠髣像如存則知仙路有歸茲念已釋理絕今古事昭聞見况臣等親侍軒墀幸聞仙解

無任感慰之至伏望宣付史官以昭靈異仍望宣示百官

御批

道有默仙謂之形解古來旣爾今亦將然童幼之年傷其天促靈變之理乃入玄真且與方外爲心不比人間結念所謂書諸國史以襲玄元卿亦史官任爲允例兼請宣示者並依

賀昭陵徵應狀并御批

右御史中丞徐憚從京便還向臣等說妖賊劉志誠四日從咸陽北原向南見昭陵山上有黑雲忽起志

誠謂其凶徒云此雲將有暴風若衝頭立恐有破敗
志誠久從軍伍頗解雜占其言未畢飄風果至直衝
行首莫不昏迷衆心驚惶不知所出及至便橋之際
並即走散又見父老云往年權梁山之徒將逞不軌
當時亦有烈風暴雨發自昭陵彼至京城賊還破滅
謹參往事與今同符者伏以間關賊類切敢猖狂而
祖宗威靈亦已玄鑒昔年感召若命蚩尤今者驅除
更假風伯所以妖氛自殄狡計莫施畧刻之間逃形
無路此皆神功潛運昌曆無窮將俾孫謀用昭聖德
事堪懲惡可以垂後無任慶悅之至仍望宣付史官

并示朝列謹錄奏聞謹奏

御批

先帝應期道光文武之業亦既弃代人畏軒轅之臺
忝以丕承罔不夙夜每有啓悟形於動靜豈茲狂敷
勞我神兵保佑實深戴賀增惕古之靈應未之前聞
所請宣付史官并示朝列固其宜也並依

謝加章絃狀

右伏奉去月三十日勅以臣先任桂州都督借紫金
魚袋前緣改官遂傳今更蒙恩特賜任使無效寵服
再加臣雖叨榮伏用戰懼不任悚懼之至謹奉狀陳

謝以聞謹奏

御批

卿早踐中書後牧遠郡因加此紱我在優賢今特賜卿舊前命也所謝知

謝工部侍郎集賢院學士狀并御批

右伏奉今日三日制除臣工部侍郎兼集賢院學士臣本單族過蒙獎拔入并省閣累忝清資出牧南州且無成績陛下殊私俯及擢任集賢遠自炎荒忽至霄漢秘文副掌淺隨無堪遽蒙聖恩及遷華省丘山施重報效何階不勝悚懼之至

御批

卿學府高標士林貞幹論思之地亦既優閑彌綸之司聊從應務別當獎擢何乃謙僞所謝知

謝知制誥狀并御批

右臣忝跡集賢又無成效幸免咎責伏用兢惶忽蒙特恩令知制誥臣學業既淺識理非長述宣聖旨誠恐不逮跪受嚴命伏增悚惕無任戴荷之至

御批

昔掌玉言以宣國命頃來相習多事游詞卿舊在掖垣已推識及登書府備探微奧故有性今宜副朕

心何所謙摛誰與為讓

謝兩第移官就養狀并御批

右臣兩第蒙恩移官就養老母感戴殊澤戰荷兼深
臣山藪陋材豈堪國用日月私照謬掌綸言犬馬以
地近先務烏鳥以情至蒙福曲承孝理賜莫知報效
之所無任悚懼荷恩之至

御批

卿之忠誠本於孝行亦既許國每懷安親爰請二第
近卿就養中之友愛迹為隱用加此故故遂雅懷所
謝知

謝中書伴所狀并御批

右臣謬跡書府兼司綸翰思方淺近無所發明聖
不以不才却賜榮獎拔擢非次荷躐惟深但中書近
密參掌不易豈臣微賤所堪忝竊拜命之日伏用慙
惶不勝戰慄之至

御批

此職擇才十年虛位以卿達識所以時庸斟酌朝經
勳隨政本當茲密命宜喻朕懷所謝知

謝勅賜吏類狀并御批

右林招隱宣勅賜臣等招隱說云薦新之外禁中所

為皆是降至尊親耕稼之所成也伏以周人之禮
雖有籍田漢氏之薦但聞時菓則未有如陛下嚴祗
於宗廟勤儉於生人事必躬親動合天德臣亦何幸
近奉徽音又蒙聖恩猥垂珍錫已飽於聞我况當此
時蓋綢繆渥澤未知報效死罪死罪仍望宣牒史館
以示將來臣等不勝感荷之至

御批

歲比不登朕每勤止宮中閑處粟麥蕪茲常候嘉苗以近知
遠亦既成熟實用慰心所以躬率諸子是之矣是刈務特艱難
為國之本宗廟致敬實謂也

錫卿等同體固合共之所謂宣付史館任量其宜也

謝賜食狀并御批

右臣等面奉進止令就集賢院與諸學士等觀聖注
道德經尋又賜臣等食竊味道腴兼承珍饌聞我飽
德虛往實歸臣等何人叨承渥澤不勝悚戴之至

御批

卿等入院共食何足為謝也

謝賜藥狀并御批

方高力士宣奉恩旨賜臣等鹿角膠丸及駐年面脂
育命自天感戴兼至臣等涓滴無補渥澤日深多謝

殿肱之良每慙智力之效徒承聖恩同體之義更需
御藥駐年之錫事絕希幸禮優常遇微軀賤貌因大
造而載延捧日承天荷曲成而無極無任悚戴之至

御批

曠日所患固其常耳信則微物亦有佳名與卿共之
何是爲謝

謝賜尺詩狀并御批

竊今日高力士宣勅賜臣等御製詩并寶尺伏以尺
者紀度之數宜麗天文詩者律呂之和是生卽物聖
恩下逮天旨旁流因物寓言以言畫象臣雖瞽陋伏

見宸衷竊謝良工徒素乃尺終期死力取配鈞衡而
未副所圖退省知罪臣等下勝負荷感懼之至

御批

尺之爲數陰陽象之宰臣匠物有以似之卿等謀猷
非無法度因之比興以喻乃心盡力鈞衡深知雅意
謝蒙太子書頌

右昨者高力士宣恩旨垂示皇太子書紀功德頌恭
覽睿跡實天人之表幼傳楷則訓叶文明春秋典學
時惟多藝鸞鳳變態入神妙而難明俾臣庸者憑篆
刻而不朽微臣之幸倍百恒情無任悚戴之至

御批

大臣作頌以揚休聲銘之琬琰亦資翰墨太子鴻書則非工身為國本將示于後因以命之無能發揮何所為謝

謝兩第授官狀并御批

右伏奉昨二十日恩命授臣第九臯殿中大監九章太子司議郎臣私門積釁殃罰如昨日月逾邁禮及外除第九臯等加以常才比服哀疚瞻望未遠縞練猶存非常之恩一朝摠集慙皇哽咽罔識言次不知微命餘生何以上報天造載悲載懼五情飛越不勝

感戴戰慄之至

御批

卿之昆弟並著才能去歲所論已有處分既終祥縞宜列朝衣豈謂殊私雅符公議所謝知

謝賜衣物狀并御批

右高力士宣勅賜臣衣及器物等臣不孝苟存企及制禮天恩以忝樞近賜問再臨衣服珍器殊常寵錫臣有何力可以叨濫渥澤至深誠效已竭惟有微命不知所圖無任感戴之至

御批

籍鄉政事頃在經綫今禮制以過服用茲始少許衣物何足謝焉

讓賜蕃口狀

右高力士宣聖恩賜臣等蕃口執自邊軍釋囚為隸誠宜供國次及賞功臣等無庸何以受賜殊恩俯降循涯自失伏望俯停渥澤存以至公矜遂懇誠許歸官寺則上有無偏之道下有無苟之責無任悃欵之至

觀御製喜雪篇陳誠狀并御批

右臣等適見工部侍郎侍講學士陳希烈所蒙恩賜

一、言言微利博旨遠思深于被蒼生焉知帝力臣
二、言言百姓之命靈為五穀之精兆且見於祈年律
三、言言志聖心昭感天瑞谷符豈比夫漢詠白雪
四、言言樂周歌黃竹徒事巡遊而已哉臣等仰望昭
五、言言知遠近幸均生植同是霑濡况臣忝在樞衡無能
六、言言亮聞罪已之義若寘米谷猶忘軀之節莫若清塵
七、言言誦聖文無任喜懼臣等誠敬誠恐謹言

御批

緣講讀便與希烈未得
今過有稱揚豈成

替所期戮力保合氣和今付一本觀唱和之美也

謝賜御書喜露篇狀并御批

臣前伏見聖製喜露篇奉狀稱慶已特蒙賜本今
日高力士又宣賜臣林甫臣某各一本麗天之文
真傳誦垂露之聖難有偏露則不知玄造曲成宸
俯遠鸞鳳斯降雲雨載均愚臣何幸叨此殊賜是知
君臣之深義感不一子孫之後傳寶無窮而未知此
生何以上答臣等不勝感戴伏望許臣等進食以申
誠雖厨筵每拙而野芹徒獻豈云堯禹之膳象運
之情幸甚謹奉狀以聞謹奏

御批

去年少雪遂罕秋成恐陰律愆期時無可望孰云
人事虔誠雨雪驟盈喜慰初集率爾成作書情而
已方示朝廷

讓賜宅狀并御批

右去正月二十六日中使李仁智宣口勅賜臣前件
宅仍令官脩及什物一事已上自奉恩命夙夜憂懼
既慙虛受載懼滿盈臣生身蓬章所居淺陋學屬宜
庶豈圖弘敞宸私曲被寵賜猥臨加以殃罰之餘參
議樞掖草土之末庇形棟宇器用資於官備禮教異

於喪紀兢惶失圖啓處無地况涓滴未效霈澤先盈
非據之責誰任其咎又臣見在家累僅十餘人臣之
俸祿實爲豐厚以此貿遷足辨私室今崇其甲第更
使增脩或恐因緣多有費損上則虧耗國器下則招
集身尤縱陛下時垂寬容而臣苟爲貪冒其如初議
何其如公道何伏乞賜寢前命備垂矜察納臣誠請
免臣罪戾其宅及什物望並却令官叔無任荒懼之
至

御批

比來官宅隨事借人與卿寧居用加脩飾已有處分

入
不煩讓也欲令師儉雖則卿心縱使增脩其如國命
之繫制度不是宏博大臣所處亦以爲宜可擇日移

讓兩第起後授官狀

右臣昨以兩第身名狀涉隱冒家且未正焉能正人
所以陳露奏聞誠欲自律今日高力士宣勅令與兩
第京官慈旨優柔感深骨髓微臣何有叨此殊恩但
臣自罹殃罰纒踰年序忝承重任不敢顧私而鞠育
之恩繇懷罔極几筵在遠奠酬不親惟有两第在家
獲申情紀今若恭承恩命盡在墨縑何心何顏可以

偷此陛下每弘教我必先名節豈於愚臣無少矜憫
若使九臯等獲免罪戾幸無削除在臣闔門已露殊
澤更令授職俱遠哀次於臣私情實所不忍然於朝
議必有喧黷乞寢成命俯亮愚衷異無玷大猷豈敢
自遂而已不勝哀荷戰懼之至

御批

卿移孝於忠自家刑國誠有必盡義實可嘉人之同
氣莫不相似驗卿才識第亦可知朕意欲登賢俱在
朝列而尚居哀紀願留主祭可以理奪用允所求待
至祥縞非無後命

謝赴祥除狀并御批

石殃學殘生謬承天澤無能報效徒廢情禮而日月
迅速祥制有期在臣私情哀懼莫主几筵在遠追慕
不親一遠外除終身何託伏望察臣罔極俯遂哀懇
假以傳乘暨赴來月道路徃復不出數旬孝理之具
奚知死所無任悲迫戰懼之至

御批

不可復見惟餘孝思情禮所歸近遠無別卿當人儀
朝夕謀猷欲遂乃懷其如重寄既從奪禮安得顧
宜抑此情也

進龍池聖德頌狀并御批

右先奉勅令臣撰文伏以天將啟聖地乃出符歷考
圖籙曠古未有臣學術膚淺且靈命難言雖已極於
愚思曾未徵於萬一猥承恩獎虛污磨礱以此慚惶
無寧啓虔謹隨狀封進以聞塵黷宸嚴伏增戰越

御批

天啓元符以贊鴻業朕誠薄德曷用當之既史策是
書而頌聲復起宗子固請遂及於茲卿之詞旨度越
前豈曲成意義多所發揮實靈命之克彰因斯文之
不朽

謝第授官狀并御批

臣伏以聖恩非常拔臣以無能受任歲月漸久消渙
無益取招毀議有累聖明臣前面陳誠以請罪陛下
不以賜責猶加過恩特以殊榮俛霑臣第彌速曠官
之謗且重非才之責累延公器寵及私門顛覆是受
隕越無措不勝悚懼倚戴之至謹奉狀陳謝以聞

御批

朕之知卿非在今日君臣之際何有間言故在增榮
有以昭亮况卿令第尚淪卑秩以公見授何謂私恩
所謝知

張文獻公集卷之九

